

Resolución da Dirección Xeral de Centros e Recursos Humanos pola que se resolven as solicitudes de non participación no concurso de adxudicación de destinos provisionais 2023/2024

No Diario Oficial de Galicia núm. 113, do 14 de xuño de 2018, publicouse a Orde do 7 de xuño de 2018 pola que se ditan normas para a adxudicación de destino provisional entre o persoal docente pertencente aos corpos de inspectores de Educación, catedráticos e profesores de ensino secundario, profesores técnicos de formación profesional, catedráticos e profesores de escolas oficiais de idiomas, catedráticos e profesores de música e artes escénicas, catedráticos e profesores e mestres de taller de artes plásticas e deseño e do corpo de mestres, que non teñan destino definitivo na Comunidade Autónoma de Galicia, aos que resultan desprazados por falta de horario, ao persoal ao que se lle conceda unha comisión de servizos por concelleira ou concelleiro, por motivos de saúde ou por conciliación da vida familiar e laboral, ao persoal interino e substituto e ao persoal funcionario de carreira que solicite o reingreso no servizo activo (ED002B).

Na súa redacción actual, o artigo 39 da dita orde establece que:

*“O persoal interino e substituto que estea nunha situación das que se relacionan a continuación, poderá solicitar cada curso académico non participar nesta convocatoria ou renunciar á resolución provisional, sen perder o número de orde na lista correspondente e sen que se admitan renuncias parciais, nos seguintes supostos:*

*a) Coidado de fillos e fillas*

*-Para atender o coidado dun fillo ou filla menor de seis anos, tanto cando o sexa por natureza como por adopción ou acollemento permanente ou preadoptivo.*

*-Para atender a un fillo ou filla menor de oito anos cando se trate dun núcleo familiar composto por un único proxenitor ou proxenitora que non conviva con outra persoa con que manteña unha relación análoga á conxugal.*

*-Para atender a dous fillos ou fillas menores de dez anos cando se trate dun núcleo familiar composto por un único proxenitor ou proxenitora que non conviva con outra persoa coa que manteña unha relación análoga á conxugal.*

*-Para atender a tres fillos ou fillas menores de doce anos ou dous fillos ou fillas menores de doce anos se un deles ten un grao de discapacidade recoñecido igual ou superior ao 33% ou ter e convivir con tres fillos ou fillas menores de dezaseis anos cando se trate dun núcleo familiar composto por un único proxenitor ou proxenitora que non conviva con outra persoa con que manteña unha relación análoga á conxugal.*

*A idade dos fillos computarase ao 1 de setembro de cada ano académico.*



*b) Para atender o coidado dun familiar que teña ao seu cargo, ata o primeiro grao de consanguinidade ou afinidade, que, por razóns de idade, accidente ou enfermidade, non poida valerse por si mesmo e non desempeñe actividade retribuída.*

*-Excepcionalmente, para atender o coidado dun familiar que se teña ao seu cargo, en segundo grao de consanguinidade ou afinidade que, por razóns de idade, accidente ou enfermidade, non poida valerse por si mesmo e non desempeñe actividade retribuída, cando non existan superviventes de primeiro grao ou estean incapacitados para atender o seu coidado ou se trate de persoas conviventes.*

*c) Por enfermidade grave do propio persoal docente.*

*d) Por ser vítima de violencia de xénero ou de violencia sexual ou violencia terrorista.*

*e) Ampliación de estudos oficiais*

*Por ampliación de estudos, por un período máximo de tres anos. Enténdese que hai ampliación de estudos cando se realizan estudos para obter un título universitario oficial de doutor, máster, grao, ou equivalente.*

*No caso dos graos deberá efectuarse a matrícula de, polo menos, 30 créditos e acreditar a realización das correspondentes probas ao final do curso académico.*

*Nos supostos do máster ou doutoramento a matrícula deberá realizarse de, polo menos, o 30 por 100 dos contidos.*

*Excepcionalmente, poderá utilizarse un cuarto e quinto anos, nos estudos de grao e doutoramento.*

*Nos graos será necesario ter cursado e superado un mínimo de 90 créditos da mesma titulación.*

*Para estes efectos non se terán en conta as materias validadas.*

*f) Por calquera das circunstancias que permite ao persoal funcionario a concesión dos servizos especiais.*

Así mesmo, neste artigo establécese ademais que o persoal docente interino e substituto poderá solicitar non ser chamado para as prazas que puidesen corresponderlle por un período máximo e improrrogable de tres cursos académicos, que non terán que ser necesariamente consecutivos, sempre que alegue e xustifique ter un contrato de traballo ou prestar servizos noutro posto do sector público ou ben desenvolver un traballo por conta propia. Por último, tamén poderán solicitar non ser chamados para as prazas que puidesen corresponderlle sempre que aleguen e



xustificuen estar impartindo cursos de formación relacionados coa lingua galega impartidos pola Secretaría Xeral de Política Lingüística.

De conformidade co dito artigo, o prazo para a presentación das solicitudes de non participación no concurso de adxudicación de destinos provisionais estableceuse desde o pasado 15 de maio de 2023 ata o 31 de maio de 2023, ambos os días incluídos e, unha vez rematado o dito prazo, procedeuse ao estudo das solicitudes presentadas e da documentación xustificativa achegada no seu caso.

Ao tempo, de conformidade co establecido no citado artigo 39.1, a solicitude de non participación estimada supón que non se realizará chamamento para cubrir interinidades ou substitucións durante todo o curso académico 2023-2024, agás no suposto de ter renunciado por contrato de traballo ou prestar servizos noutro posto do sector público ou ben desenvolver un traballo por conta propia. Nestes casos pódese reincorporar aos chamamentos á finalización do contrato, da prestación de servizos ou do traballo por conta propia, logo de solicitude expresa e acreditación do cumprimento desta condición.

En consecuencia, esta Dirección Xeral de Centros e Recursos Humanos

#### RESOLVE:

Primeiro. Aprobar e publicar, no portal da Internet da Consellería de Cultura, Educación, Formación Profesional e Universidades (<http://www.edu.xunta.gal>), como Anexo I desta resolución a relación de solicitudes estimadas de non participación no concurso de adxudicación de destinos provisionais para o curso académico 2023-2024 para todos os corpos docentes, coas observacións que se indican, se é o caso.

Segundo. Aprobar e publicar, no portal da Internet da Consellería de Cultura, Educación, Formación Profesional e Universidades (<http://www.edu.xunta.gal>), como Anexo II desta resolución a relación de solicitudes desestimadas de non participación no concurso de adxudicación de destinos provisionais para o curso académico 2023-2024 para todos os corpos docentes polos motivos que neles se indican.

Tercero. Contra esta resolución, que lle pon fin á vía administrativa, as persoas interesadas poderán formular un recurso potestativo de reposición, de xeito electrónico a través do modelo xenérico dispoñible no último expediente de solicitude xenérica (PR004A) formulada para a renuncia á participación, no prazo dun (1) mes contado desde o día seguinte ao da súa publicación no citado portal, ante a persoa titular da Dirección Xeral de Centros e Recursos Humanos de acordo cos artigos 123 e 124 da Lei 39/2015, do 1 de outubro, do procedemento administrativo común das administracións públicas ou directamente un recurso



contencioso-administrativo, no prazo de dous meses contados desde a mesma data, ante o xulgado do contencioso-administrativo que sexa competente de conformidade coa Lei 29/1998, do 13 de xullo, reguladora da xurisdición contencioso-administrativa.

Asinado electronicamente en Santiago de Compostela

O director xeral de Centros e Recursos Humanos

Jesús Manuel Álvarez Bértolo

